

محمد صابر

أشعار المنسى

أشعار

الطبعة الأولى أبريل - 2018

بطاقة الكتاب

عنوان المؤلف : أشعار المنسى
المؤلف : محمد صابر
التصنيف : أشعار
رقم الإيداع : 8796 - 2018
عدد الصفحات : 100 صفحة
رقم الإصدار الداخلي: 181 أبريل 2018 (الطبعة الأولى)
دار النيل والفرات للنشر والتوزيع (فرع المنيا)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع		
ثورة مصرية تشرق إبداعاً على الوطن العربي		
المدير العام	رئيس مجلس الإدارة	
جيهان عبد الرؤوف	ناجي عبد المنعم	
رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572		
هاتف: 01011256943 - 01116202218 - 01202541192 تليفاكس: 020554372901		
البريد الإلكتروني: ع.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304		
ع.م.ع. محافظة المنيا - أبو قرقاص - شرق الزرعة - خلف محطة السكة الحديد - هاتف 086214428 (جابر الزهيري)		
ع.م.ع. محافظة القليوبية - مركز طوخ - إميأى - هاتف 0132424735 (مسعد خليل)		

الإهداء

إلى كل محبي و متذوقي الشعر
إلى أسرتي و عائلتي
إلى رفيق رحلة المعاناة في كتاباتي
قلمي
أهدي ديواني
محمد صابر

فاكرني

فاكرني انا حبيبك لو فاكرني
كل الحكاياه شويه تجاعيد م الزمن
فاكرني دقق في ملامحي وافتكّر
افتكر لعب الطفوله افتكر دقات قلوبنا
افتكر لحظات جميله مش هينفع نشوفها
تاني افتكر حاول تفكر ليه ناسيها
افتكر حيطان شارعنا لما كنا نجري فيها
غيرتنا الدنيا ليه طب كبرنا بس ليه
وفترقتنا يا حبيبي وكل واحد اختار طريق

شوق رېقي بېتسامه ترجع الماضي الجميل
او سلام اوحتي كلمه فيها عطف يكون برئ
بيسألوني قال فاكرها ضحكت وسبتهم ومشيت
ومع نفسي قولت هوه في حد غيرها وله غيرها
في يوم حببت انا لو نسيت حبها يبقي انتهيت
انا لو هدمت قصرها مش ممكن اسكن تاني بيت
دا كل نبضه تقولها ياريت زمانا يرجع ياريت
دا لو حد قال اسمها يدق قلبي ويقول حببت
مين اللي يقدر يهزم الحب مين دا الحب مرض
بيصيب المجروحين ولا ليه علاج ليوم الدين
ولسه فكراني وله اتنسيت

وعجبي !!

ان شفته ليه بتلخبط
ولا اقدر اجمع حرف
بحس شكلي مشخبط
وف قلبي واخد ظرف

أصلا ميت

لو هاموت انا اصلا ميت
حرام اعيش انا مش شايف
مش فارقہ في السجن هبيت
راح اقول الحق ومش خايف
صناعي وسمكري ومزيت
احسن من بيه وكمان هايف

دوغري

انا دوغري
و ماليش في النـف
ومش ذنبـي
لو عقلك خـف
مهرجان قال دا انت عايز كـف
ده كلام حمضان ولساتك سـف
يا خسارة الفن يا عالم جـف
حظك ريقـي ناشـف
مش عارف اتـف
قبر يلـمك اركـن في الصـف

اعور وقليط
وعبيط واخنف
بنطلون ساقط وفن هابط
ولا فيه ظابط
ولا فيه رابط
قال عامل مطرب ابن العابط
قال عامل مطرب ابن العابط

حبك وضوء قلبي

حبك عندي وضوء
عشتي لعيوني ضوء
وطهاره في النية
غصنك عبير الورد
حضنك يدفي البرد
غزال طاير ع الارض
يرقص بحنية
ملكتي قلبي ملاك
استوطن وكمان ملاك

بعدك حياتي هلاك
يا قلبي وعنيا
انتي الحياه ف الكون
حني الحنان ياحنون
قمر جميل مزيون
ياحمامه ع الغية
انا شوفته قلبي دق
وتدق في المدق
عجن قلبي ورق
ياحلاوه طحينية
الوش اجمل وش
ابيض مفوهش غش
عشعش في قلبي عش
مين قال منسيا

دا انتي الحياه ع الارض
حبك الطول والعرض
وانتي الشيك والقرض
لو دار الزمان بيا
انا وصفي فيكي قليل
يا اجمل المواويل
يا عربي انت يا خيل
دي حياتي ياناس هيا
اخترتك وحبك زادي
يا اصلي يابنت بلادي
قلبك حنون مش عادي
ياحنان مليون حنية
اياك تقولي ناسيكي
هايم وفكر فيكي

وكلامي كله عليكي
عطشان ونتي المياہ
انتي ال..ح ..وال.. ب
احبك م الالف لل ي
وانتي اللي ساكنه القلب
حبك ده اجمل حب
شفتك وقلبي دب
عاشق في حبك طب
رافع ايديا يارب تكوني
يوم ليا
اكمل ولا خلاص
حجزتي قلبي خاص
دي النظره زي رصاص
رشقت بحنية

الخفه اخفف دم
تنسي العذاب والهم
سكر يدوب ف الفم
ملبن وحوريا
مش قادر اوصف كفايه
قمرايه جوه مرايه
بعشقك وانتى هوايه
سلام يا عسليه
حبك عندي وضوء
عشت لعيونك ضوء
وطهاره في النية

طرز في طزين

طرز في طزين في ثلاث طروز
علي ايه نشيل ف الهم يادنيا ونلوي البوز
مش فارقه خلاص مهزوم من فوز
اعدل خيطك لو يوم لفت
عيشها شريف ولا تتلفت
مسيرها هتطري لو يوم جفت
صدقتي هتحلا وتصبح لوز
علي ايه نشيل ف الهم يا دنيا ونلوي البوز

لحد إمتى؟؟

لحد امتي نقول في كلام ما بيحصلشي

لحد امتي نبيع برخيص ما بنفصلشي

ليه القلوب صابها العمى

شايفه الدموع علي الوش سايله

ومتحسهاش ولا تزعلشي

ما تعانديش

ما تعانديش

خلي الحياه جوه القلوب

تقدر تعيش

ما تعانديش

سيبي الفراق ع الباب يدق

ما تفتحيش

ما تعانديش

يا عمري كيف العند عندك

مبتتبعيش

الحنين

الحنين جوانه عايش
والشقاوة لسه فينا
صحيح زمان كان
فكر طايش
بس افكرنا وحنينا

الفرقة مُرة

مش هتفرق ابعدى
والفرقه مرة
لعبوا ف دماغك ... اعندي
انتي حرة
بس لايمكن ترجعي
ولو فكرتي
هاقولك برة
انسى اللي كان

وانسي الزمان
وانسي الشوارع
والحيطان
حبيبتي ضاع الامان
لما هجرتي حبا
والمكان
فاكره تاني هاقولك
اني بعشقتك
عايزه تاني تخذ عيني
و صدقك
انسي خلاص كل
اللي كان
انسي الحنان
وانسي الامان

وانسي حب عليكي هان
ومش هتفرق ابعدى
والفرقه مرة

مين ؟؟؟

مين حماكي ومين نساكي
ومين واقف علي الحدود
مين شراكي ومين رماكي
ومين ببسجد للمعبود
هوه بعد الجيش في جيش
والله بعد الجيش مفيش
هوه بعد الجندي جندي
والله هوه الجندي سندي
مين بيقتل ايدين بتحمي

مين بيهدر دمي ولحمي
غير خسيس وجبان وعيرة
غير حمار سايق حميره
هاروي يامصر بدمي
قمحك

وحي ييجي عشان اسامحك
يامحلا روح العزة
روحك

حالف اصون ارضك وعرضك
اموت فداكي ويكفيني فرضك
لازم يا امي

تاخدي حقي بعد موتي
اوعي يا امي تزعلي
رافض سكوتي

دقي العزم يا مصر دقي
زلزلي الارض ب كيائك
للي مش عارف مكانك
وعرفيهم تبقي مين
جنودك يا مصر
مش ميتين
جنودك يا مصر مش ميتين

إفرحي يا أمي

إفرحي يا أمي بقيت شاعر
والناس بتقول عليا كويس
بس انا يا أمي كسراني مشاعر
من هم الدنيا شقيان وبكيس
يارتني يا أمي عيل صغير
أحبي وشكلي ياريت م تغير
ولا طلعي شنب ولا دقن
ابنك يا أمي شعره شاب
وعجز وشبع من الدنيا حقن

ونفسه يرجع ينام ف حضنك
ويدمع دموع وبحرقه
نفسى اقولك ع اللي تاعبني
نفسى اسمعها بحبك يابني
يا امي تعبت وهمي غالبني
ادعيلي يا امي ياريت ف صلاتك
ارجع طفل ولعب من تاني
يا امي طفولتي كثير وحشاني
اصحابي زمان مابقوش دلوقتي
الكل اتغير ب الساعه ووقتي
كنا زمان تجمعنا اشارة
نجري ونلعب جوه الحارة
ولا نعرف شاي ولا حتي سجاره
وكنا يادوب بنفك الخط

ماكوناش نعرف فار من قط
ولا طيب ولا حتي جبان
والله يا امي كان احلا زمان
زمان كان حب وكان امان
الشيب كتر وقل الحنان
وكان العشرة صبحت ولا كان
مركب بتكركب ولا فيها ريس
افرحي يا امي بقيت شاعر
والناس بتقول عليا كويس

تفكيرك عقيم

مين اللي قال انك بتفهم
وخذ كلامي زي ماتفهم
تفكيرك عقيم والله هاتندم
الفكر الراقى تحب ترحم
خليك جميل اسرح واحلم
ارمي السلام بالحب تسلم
خلي الكلام طيب وبلسم
خليك شاعر ياعم سمسم
هوي قلبك بلاش تكمم

سيب روحك تطير تشمشم
عبير الورد للود تكرم
حب التواضع وخليك ايجابي
واوعي تحكم علي حد غياي
من غير متعرف
اذاي يحايي
ماتشوفش نفسك
ولا تتفشخر
وياك لغيرك ب اللفظ تشخر
تذوق الذوق
ماتكونشي ابخر
الناس هاتقول عليك مرمرم
مين اللي قال انك بتفهم
وخذ كلامي زي ماتفهم

كون للطيب دايمن دليل
اياك في يوم للكره تميل
لو حد ضعيف ساعدة وشيل
ربك هيجبك وهتتحب
وزي ماسقيت
بكره هتشرّب
نفس الكاس وفين تهرب
ماتقوف من نومك
ياابن النيل
ممكن انا عن نفسي اغلط
ومين معصوم
بس بحاول اصحح غلطي
والجيب مخروم
نفسي اخيط قطع زماني

نفسی افوق
انا من احزاني
نفسی ونفسي وفين القاني
تايه يمكن في حد رماني
انا فين اخلاقي
من الاخلاق
انا ليه تفكيري ده كله غباء
يارب كلامي ميضيعش هباء
يارب كلامي ميضيعش هباء

محصلش ولا هيحصل

محصلش ولا هيحصل
اني ممكن انسي هواك
دي كل ايدين وليها مفصل
تقع ايديا اكيد شيلاك
هاتلي همومك وفرح حبه
انسي جراحك عيش ب محبه
او عي تحزن وانا معاك
محصلش ولا هيحصل
اني ممكن انسي هواك

اوعى تفكر انك منسى
دا انت حياتي فرحي ووئسى
و انت الغالى وهاتفضل غالى
مهما الكون هايضيق حواليك
اوعى تمد لحد ايديك
ايديا هتوصل قبل العالم
اه لو تعرف عندي غلاك
كنت تطير وترفرف فرحه
دنا انسى العالم ولا انساك
ومحصلش ولا هيحصل
انى ممكن انسى هواك
دي كل ايدىن وليها مفصل عن
تقع ايديا اكيد شيلاك

بنتعلم

بنتعلم لما بيتعلم علينا
وبنتعلم لما انجرحنا وحبينا
وبنتعلم ازاي الخطوه تاتا تاتا
اكيد هانقع بس هانكمل
ومهما هنتألم هانصبر ونتحمل
عشان الحياه نقدر نعيشها
لازم ندوق الملح في عيشها
غطانا سحاب وكسوتنا خيشها
فرشتنا تراب وبالتراب نفرشها

نتكبر ليه و علي بعض نتعالي
مش بالتكبر راح نبقي رجالة
ولا بالشهادة ولا بالفلوس
بالاخلاق وتأديب النفوس
ولسه بدري علينا العلام
خمسه وخمسه هيطلعوا كام
فين السبابه وفين الابهام
وهو كله كلام ف كلام ف كلام
وبنحلم نتعلم وننسي الاوهام
وياريت نتعلم خمسه وخمسه
يطلعوا كام

بالحب

ماهو الحب

الحب يلين الحديد

الحب يفرتك الحجر

الحب لوحتي بعيد

نوره اقوي من القمر

الحب يجمع الاعداء

الحب يزيل المشاكل

الحب مش حبت غباء

ولاحتي فاكهه بتتاكل

الحب وصفه مستحيل

الحب هدوء ونسيم وليل
الحب اجمل من مليون جميل
حاجه كدا متعرفهاش
بتحسها ومتشوفهاش
زي روحين في نبض قلب
دا قلب ميت اللي عمره ماحب
جاذبيه بتجذب كل شيء في جسمك
جاذبيه بتلخبط وتنسيك اسمك
ما تعرفش تقول كلمتين اتنين
حلم حلمته في نين العين
حلم في دقيقه بيعدي ثواني
تفوق تتمني يرجع تاني
تفكر ازاي تخليه سعيد
لو بأديك متفرطش فيه

ولا تسببه يروح لبعيد
ولو الزمان فرق ما بينك وبينه
وتحكم علي عينك متشفش عينو
اقفل قلبك وخليه حديد
مهما تشوف من جمال وحلاوه
عمر جراحك م راح تداوه
الا اذا رجع يلين الحديد
ويفتح القلب ويصبح جليد
صحيح الحب يلين الحديد
لو حتي افترقنا وبعدنا بعيد
صحيح الحب يلين الحديد

الله يعينك

الله يساعدك الله يعينك
عايزه تذودي في متابعينك
بس نصيحه بيني وبينك
حسي بقلبك تشوفي بعينك
ان الناس مش كلها واحد
خديها نصيحه قلبك جاحد
ما اعرفش اعاكس ولا عندي معاكسه
وهعاكسك ليه روعي جاتك وكسه
دا انتي هربتي من حرب النكسه
عادي بتحصل ودماعي اتقلب

لما عثمت وبعث الطلب
فاكراني سافل وقليل الادب
اول مره من حد اتغلب
توبه وعمرى مهبعث تانى
اي طلب لست عجوزه
كسفه واحراج لما بعث
وتدحلقث فى قشرت موزه
اللى عايزنى يبعث هوه
انا حرمت ابعت طلبات
تقولو غورور تقولو انانى
عمرى ما هبعث للستات
لو كارمتها عندها حاجه
انا كرامتى عندي حاجات
بصى وشوفى الشيب ف دماغى

بالذمة ده حد يعاكس ستات
انا يا بنتي عجوز ومكحج
فاحت قبري ومستني ممات
كنت زمان ممكن بتشاقه
بس خلاص العمر ده فات
انا دلوقتي همي افضفض
وزرع ورد وكمان كرات
واللي تحبني ونادقه قديمه
تتفضل تبعت طلبات
عمري ما هكسف حد بعثلي
بيقول اصيل والناس مقامات
صحيح انا سني صغير حبه
بس انا قلبي من 100 سنه مات
عايش بس بقلمي وعقلي

بسطر حزني ف الكراسات
واخر كلمه بقولك شكرن
ومين بيصاحب انسان مات
والله يساعدك الله يعينك
عايزه تذودي في متابعينك

هاتي طبلة

هاتلي طبلة
و واحدة هبله
في وسط رقصة
ماتسوى ذبله
هاتلي عرض
بور ف ارض
فاكرة ان الهزه
فرض
علي وحده ورص

كلامي
مستقبل مقتول قدامي

هزه غزه
بركه نزه
فين الكرامه
فين المعزّه
فين التاريخ
بلاش تلبّيح
دي كل شيشه
عيزالها سيخ
داري اللي بان
صون اللسان
صون الحلاوه
ارمي اللبان

وبلاش تطرق
للهدمه ارقع
يارب تنفع
لو كنت تسمع
وخذ كلامي علي
وحده و رص
قرب وبص
في جنيه وفي نص
خليك جنيه ياعم البيه
اخيه علي التقسيم اخيه
راجل محرق
عايش مهزق
دبان ملزق
من غير شهامه

فِين الْكِرَامِهِ
يَا اللَّهَ السَّلَامَهُ
يَا اللَّهَ السَّلَامَهُ
يَا رَبَّ الطِّفْلِ
ذِيلُ الْغَمَامَةِ
هَاتِلِي طَبْلَهُ
وَوَاحِدَهُ هَبْلَهُ
فِي وَسْطِ رَقْصِهِ
مَاتَسْوَى ذَبْلَهُ

عشت لعيونك أغني

عشت لعيونك أغني

دمعه نازله غصب عني

كنت منك و انتي مني

انتي حبي و انتي النني

انتي لحنني وبالتائي

انتي عمري و انتي سني

انتي حاضر و انتي ماضي

انتي طير كل الاراضي

انتي فرحه تمحي حزني

وتجدد حياتي تاني

انتي دقت قلب باقيه

طول زماني

انتي كاني و انتي ماني

انتي كياني

مهما اقول و اوصف قليل

حاسس اني ببتي وف الحب عيل

ياقمر والليل يليل

ياعسل عمال يسيل

ياقوام قوم وقعد

ياغزال تناديه بيبعد

ياصبيه يازينة البنات

يانقيه يا سكر نبات

يافنوني يا اصل فني

انا لسه لعيونك باغني

ومسح الدمعه من عنيه
عشت طول العمر احبك
وحبك انتي ما كنش ليا
لسه صورتك جوه قلبي
ساكنه روعي وف عنيه

خيٲ و إبرة

خيٲ و إبرة ومسلّة
ياخيٲ ف مين هتسلّة
المسلّة هتحمّل اكر
لا الإبره ف الغلّة
خيٲ خشوم الادلّة
وحط السم ف الحلّة
اعجن همومنا و اتسلى
غرق وزيد الطينه بلّة
شباب يعيش مرتاح كلا

هلال احزان وقلوب هلة
علي عمرهم الموج علة
تسقيف ع الخد يا شلة
الدبله ضاعت والحلق
والدقن كبرت مين حلق؟؟
ده الحلم رايع يندفن
كل حلمه كان القروش
بس القروش ما بيرحموش
ومفيش ايدين ف الكون
تحوش نهش القدر؟؟؟؟
ومين لخواه يعيش قدر
الحلم ع القبر اتبدر؟؟؟؟
يا مركبي مين غدر
الدمعه ترخص للغوالي

حالك يا اخويا هوه حالي
حلم ضايح ف العلالى
يا خساره زمن الراحه ولى
عليل ورايح للطبيب
قال ياطبيب طبطب عليا
رد الطبيب علي شان تطيب
تدفعلي 100 وتزيد شوية
قال المريض حالي حضيض
وما املكش غير الجلاية
رد الطبيب ممكن تخف
بس لازم تعيش ب كلية
قال المريض مش هاتفرق
عادي اعيش احسن م اموت
كان فاكر انه يعيش ومات

اه يا دنيا المهملات
خربت بيوت
احلام لب والي عايز يتسلى
خيظ وابره ومسلة

مين اللي يقدر

مين اللي يقدر يهزمك
دا انتي العزيزه ونرسمك
علي صدرنا ونحزمك
مين اللي يقدر يقسمك
يكفيكي شر المفتري
واللي لغيرك يشتري
وارقصي واتمخطري
وبانتصارك فكري
والبادي اظلم ده لو بدا
صدي هجوم كل العدا

انظار للعدو احنا كدا
نلبي النداء للوطن لو ندا
مصر الحضارة والامان
مصر المهارة والكيان
مصر العفيه والمكان
غيرك اشطر يا جبان
ك**ي **ا**ن

من إحساسك

إهداء للشاعر إبراهيم القاضي

من احساسك بنتعلم

يالسان الحق بيتكلم

بيحس بغيره ويتألم

قسما بالله انت معلم

اشعارك ماء زمزم

يشربها العالم يفهم

كلماتك تنطق الابكم

تسلم و نبضك يسلم

فيضان احساسك نبع
ياعجايب الدنيا السبع
ياقاضي بالحق ياسبع
يا محارب كل الضبع

يا وطني يا ابن مصر
يا مجبص للناس كسر
يا ساجد ظهر وعصر
يا اساس تحقيق النصر

يا مطبب ع الغلبان
ياملاك ف قلب انسان
يا حنون و احن حنان
يا عم القاضي يافنان

المال

ناس تشوف المال بتميل
وناس تشوف الميل بتمل
وناس تحب الوجه جميل
وناس تحب تراضي الكل
وناس تعشق باليل مواويل
وناس تكره لبعض الظل
وناس تمشي والجسم عليل
وناس تفرح وتدهن جل
وناس جرحى والدم يسيل
وناس تربط وناس بتحل

وناس بتشرب ف الفناجيل
وناس بتشرب كدا م القل
وناس تكيل بنفس الكيل
وناس الكيل عندها بيكل
وناس بتفهم لجام الخيل
وناس محتاره تربط عجل
وناس شايله حمل ثقيل
وناس شروش ربطه فجل
وناس كتير عايزه التحاليل
وناس تعكز ومكسوره الرجل
ناس تشوف المال بتميل
وناس تشوف الميل بتمل
وعجبي

غلطان

شلت الشوك واكلك تيني
وعشان النحله حببت العسل
غلطان لما افكرتك تحبيني
وعشان غلطان قلبت المثل
يبقي خلاص ياريت تنسيني
وانا هنساكي ولاشيئ حصل
عادي نيران الشوق تكويني
هخبي دموعي وقولك بصل
انا كنت فاكرك قطره لعيني

تمحي همومي واجبك وصل
عارفه ليه عايش بانيني
عشان حبيتك يا عسل النحل

ناس وناس

في ناس معدومه الاحساس
وكلامها ماسخ ذبيها
لابسة ب العكس اللباس
وتقول الكلمه ولا تحسها
سوس مع بكتريا انفاس
تقرب من بقه تشمها
ابحت للكلمه وخط اساس
لغتنا جميله ياريت حبها
مش بس مثقف كذا ف الراس
روح للمعلومه ولا تنده لها

دا العلم في الطبع مش في الكراس
وذا كان علي الفهم ف منك سها
دقيت الجرس دقيتك اجراس
الفكر يوصل للاه منتهى
مافهوش وسايط ياعم الترباس
مربوطه دماغك ياريت حلها
لو تفهم صح تتشال ع الراس
حب المعلومه تاخذ قلبها
ب الكلمه الصح هتعمل فاس
يقطع اشجار الشوك كلها
يطرح العلم ويروي الناس
والجهل يكون من الفكر انتهى
تصبح حياتنا مسك انفاس
وتعيش بلادنا مفيش زيه

شارب من كيعاني

شارب من كيعاني
ومفیش عندي تكايه
حتي كلامي والحاني
رواسب في قعر الكبايه
ماعرفش زماني عماني
ولا عارف ايه الحكايه
حتي الحبيب نساني
منا منسي من البدايه
وصبحت جنیه براني
ورموه في الغلايه
شارب من كيعاني
ومفیش عندي تكايه

خف شوية

خف شويه من المشاريع
وفكر ياخي في الغلبان
ارحم اولادنا عايزين ريع
ليه بس الحظ مننا هربان
مين يشتري احلامنا نبيع
غلثتوا علينا حتي الدخان
بعنا هدومنا ايه تاني نبيع
واللقمه بعيده عن الانسان
والمياه بتيجي يادوب نداديع
والريق ناشف يا عالم حران

عارفينك وطني وكمان بديع
بس لامتي نعيش حرمان
كبت وفقر وكثير كلاكيع
فيينا الجاهل وفيينا الفنان
بنحلم يوم نعيش في ربيع
ونفرح ولو مره الزعلان
كل ما نقدف نغرق تاني
ياخي ملعون ابو الغلبان

اشتياق مع كبرياء

اشتياق مع كبرياء
مني اليك ها قبل عزاء
قلبي اللي مات من سكات
طويل ما بينا وكان سماء
وغيوم تنزل دمعها علي
الفراق شفتك لمحتك
الارض شبت من جديد
ونبتت لكن قتلها الكبرياء
حطم حياتها وضلها في
في ظلها راح قالها

مش ناقصه فقر

سمعت كلامه

البت لما قلها راحت تدور

ع الفلوس ويا السعاده

وسابتلي فقري والكابوس

والقهوه ساده بس نسيت

اني زمان كنت بمسح دمعها

اشتياق مع كبرياء

مني اليك ها قبل عزاء

ياللي بتشوفني في كلامي قلها

الكبرياء ويا الغرور هوه اللي

دمر قلبها روح قلها كلمتين

من قلبي ليها تخصصها

روح قلها انا هابني نفسي

وبكره جاي وهابقي احسن
منها روح قلها كل الكلام
ويا الملام والضربه جايه منها
رشقت في قلبي رصاصه
طايشه وكل ذنبي بحبها
نسيت كثير بس لازم افكر
لو فيكي خيرانا كنت عندك اتذكر
مش دي جزاتي اني منك اتحرر
دنا يامه بعث حجات عشائك
ليه خلّيتيني اكون نشائك
خلاص كفايه وقفلي عني بيبانك
خلاص ياقلبي هافتح الباب الجديد
اشتياق مع كبرياء
مني اليك هاقبل عزاء

سهران

سهران بفضفض للقمر
وبحكيه بعض اوجاعي
راضي بنصبي والقدر
وشكي لمين مافيش داعي
ضاع الشباب ويا العمر
والحمل شلته علي دراعي
شيله ثقيله ومرار امر
والبرد صديقي و انا ساعي

راكب مراكب زي الهمر
والموج عاكس حتي شراعي
والجفن دبلان من السهر
في ليل دراويش مدد يارفاعي
كبر الولد وضعف النظر
والمنتظر بعيد ولابيراعي
كام مره نكتب نعبر للبشر
وكثر الكلام ملوش داعي
سهران بفضفض للقمر
وبحكيه بعض اوجاعي

مولود على الفطرة

مولود علي الفطره والحب مستنيه
رسم حروف الالم ولا غيره حس بيه
غشيم حسبها غلط والدنيا تلعب بيه
شال كتير الظلظ من غير ما يفهم ليه
اتاريه غشيم الولد والكل جاي عليه
حتي اللي قال ينصفه طلع بيشمت فيه
غشيم حسبها غلط وهو درس ويعلم
كاتم في نفسه الكلام طب امتي يتكلم
وزاي يعيش الحياه من غير ما يتألم
والناس قلوبها حجر تضحك تقول خلييه

يدوق العذاب والألم حيوان وبتربييه
قوليلي امتي يا دنيا الفقري هتحيبييه
حرام كفايه علييه ده عمره حلتبييه
عاش سنين شيال حرام يعيش يوم بيه
وزاي يدوق العسل والحلق مررتبييه
لو يوم ينام من التعب البصل مستنييه
نفسه يشرب شاي سكر زياده حليبييه
والله حلمه بسيط ودي دقتي لوحقتبييه
مولود علي الفطره والحب مستنيه

عارف

عارف اللي في يوم نساتي لسه قلبي مش ناسيه
كل م احاول احب تاني بضعف وقلبي يحن ليه
غصب عني مش بخاطري ضعت وماصعبتش عليه
ده جزاء الحب الصادق يترمي وندوس فوقيه
عارف انك نبض قلبي ولا حبك عندي ايبويه
حبك انتا كل حاجه وحلمي يوم اللمس اديبييه
ولسه بحلم ومش هسلم درجه درجه لآخر السلم
ساكت سنين وسنين هتكلم لسه الحب ف قلبي معلم
احساس جميل ونا بتألم لا وبيقولوا اني ناسيه
وكل م احاول احب تاني اضعف وقلبي يحن ليه
اللي مفكر اني قليل يبقي عبيط
واللي مفكر اني بجامل ناس شخابيط

عمري ما اجامل

انا عمري م اجامل حد

وكلامي ده زي السيف

في وقت الجد جد

وف وقت الزيف زيف

صادق في كلامي بجد

شاطر فاهم حريف

مع ان العيشه ع القد

انا حلمي حلم كفيف

حلمي اشوف البشر

تقسم مع بعض ر غيف

وتبني ف اللي تهد
ولا تمشي يوم ب الكيف
ده البحر جزر ومد
في ناس محتاجه تعريف
افهم يا صاحبي الود
الشتا مش زي الصيف
ليه عايش مستبد
نظف فكرك تنظيف
مش كله ينفع شد
ولا بكلمه يبقي شريف
ده ياما غيرك هد
وصرف كثير تكاليف
مسمرنا الباب وترد
بلا كبر بلا بولوبيف

دنیا

دنیا بتدی الی مش عایز
لا وبتکافئه وتدیله جوایز
حظه جمیل ممکن جایز
وعشان قرشه بیكون فایز
بس لیه تیجی ع الغلابه
سؤال نفسی اعرقله اجابه
امتی الغلبان یعیش شبابه
اه یادنیا للمرتاحین حلابه
مش حسد ربنا یزید الجمیع

ما تبيع يا فقري احلامك بيع
مين يشتري منك احزانك
مين يقدر يعيش نفس مكانك
تقدر تعد كام واحد جرحك وهانك
وداس عليك ودمر اركانك
ولا تفرق معاهم جروحك
مهما تنادي ويصرخ بوحك
كلب وراح لو تطلع روحك
مكتوب عليك تعيش متكرر
مهما تكافح؟؟؟ مش متقدر
وقال ايه انسان تافه وملوش لازمه
اه يا نعال مع فردة جزمه
اطمع كوش في شقايا وعيش
خد احلامي و ارميلي بقشيش

اسرق قوتي وقوت اولادي
حاجه بسيطه وده شيع عادي
اصرخ زعق فضفض نادي
مكتوم صوتك ومش مسموع
حب الود صبح مقطوع
انسان لكن صبح ممنوع
يبقي اتيل ونام بالجوع
دنيا غريبه واحلامنا عجايز
دنيا بتدي اللي مش عايز
لا وبتكافنه وتديله جوايز

الجمال عمره ما نخ

عشان تبني البلد

ف لا بد تستحمل

لو عاب فيك الولد

بكره يفهم بس كمل

كمل وسيب اللي يقول يقول

الجمال عمره ما ينخ من كتر

الحمول

وجميك بكره في يوم هيبان

يعرفه بس الشعب الغلبان

واللي بيعيب هيصبح حبيب
وهايهتف ليك ولانجازاتك
كل اللي بيقول عليك غلط
هايجي يوم ويقولك صح
المسؤوليه تقيله عارف
حمل جبل لو جيت تحتيه
بس شهامتك تخليك حالف
تمشي طريقك والشوك فيه
كان الله في عونك
كان الله في عونك

فين الرجال

راحت رجال العز
والنص صبح مربوط
يمشي مقصع ويهز
والعرض صبح مفروط
ملعون رضوع البز
جايب راجل مخلوط
غور من جاري فز
اماشي راجل مظبوط
بركه وكتر الوز

والحيا صبح مشروط

راحت رجال الغز

والنص صبح مربوط

مسروقة أحلامنا

مسروقة احلامنا وكتاباتنا
من ناس حراميه وناس نتنه
وبكل برود ياخدوا حاجتنا
جربوا كدا عيشوه عيشتنا

مسروقه احلامنا ليه ما اعرفش
من غير الشقه هانرمي العفش
قصبك معصور و عليه ماتخفش
دي الرقعه بتبان ف الجلابيه
بس الناس عامله مابتشوفش

نصف في الدنيا ولم الطفش
مسروقه احلامنا ليه ما اعرفش

مسروقه اشعاري وقال ايه عادي
من واحد اسمه عبد الهادي
مختار يختار قرعه حادي بادي
ما تفوق من نومك يابن بلادي

محاولة

محاولة وليست تحدي
وليس ما عندكم ما هو عندي

ماذا قالوا أحبابنا عنا
وكيف رفرق القلب وغني
العمر أصبح كل شيء
والعقل بالتفكير تهنا
أخبروهم انني مغرم حتي النخاع
عرفوهم انني لا اسوي بعده قرش صاغ
أخبروهم بما قالت وعادت

عن شقائي وحيرتي
عن صباي وشيختي
عن حنين كل السنين
عن جروحي ولوعتي
انا الذي احببت عمري ولن انول
انا الذي كسوت قلبي بالحديد ولم اقول
اخبريهم عرفيهم ماذا قالوا
هل حبي حرام ام حلال
هل كنت صادق ام كذوب
ام كنت ماذا
هل عشت عمري
هل نلت املي
هل كان بيني وبين حظي اي اقتراب
ام عشت مدفون شبابي تحت التراب

انا لست شاعر ولكني اشعروا نطق
علي حد علمي والمبادئ عدل ومنطق
فلا تلوموا عاشق فقد الكلام
ولا تذبحوا يوم اسراب الحمام
يكفي ان تعيش حياة الانعدام
فلا تلومو مغرم عرف الغرام
واخر كلامي تقبلوا مني السلام
وماذا قالوا احبابنا عنا
محاولة وليست تحدي
وليس ما عندكم ما هو عندي

كانت

كانت نور عنيه وضاعت
وسابتني في وسط العتمه
اشتريت وهيا اللي باعت
وسابت قلبي مكتوم كتمه
لو بس كانت للود راعت
والله قلبي يستاهل شتمه
طرز في حبك وطرز في عيني
ومليون طرز لو كنتي هتحييني
اصل كرامتي ماتسمح اني
لا هضعف ليكي ولا هتذليني

مش بالعافيه ها اقول حبيني
ولا راح تنزل دمة عيني
كفايه عمري ضاع وسنيني
انا اخدت ايه من حبك انتي
غير جراح والام وحيره
بس خلاص علي اصلك بنتي
وطلع حبك من غير تسعيه
تعرفي ايه انتي عن الحب
انسانه طايشه ولسه صغيره
اه يا قلوب فلتسو وعيره
اساس الحب يكون تقديره
ود ورحمه حنان واخلاق
مش رز ولحمه وضحه نفاق
كلامي حقيقي يفهمه مين داق

الحب الصادق والاخلاق
دقت قلب ونبض حقيقي
عطشان وبكلمه تبلل ريتي
ياخسارة الضحكه صبحت كذب
وكانت نور عنيا وضاعت

عايزة ايه

ايه يادنيا عايزه ايه
مش كفايه تعبى فيكي
كل شوكتك دوست عليه
انسيني مره الله يخليكي
مفيش غيري يعني بتحبيه
ولا انا فقري ومتعلق بيكي
رجاء يادنيا المنسى انسيه
دنا اكر واحد سهر ليايكي
نفس ارتاح والههم ارميه
حرام كفايه ابوس اديكي

عادي الماضي بحزنه امحيه
نفس انا ابدأ وبقي ناسيكي
مرسيه يادنيا كفاهه مرسيه
ايه يادنيا عايزه ايه
مش كفاهه تعبى فيكي
كل شوكتك دوست عليه
انسيني مره الله يخليكي

أبدأ منين ؟؟؟

أبدأ منين انا الحكاية

والحكاية منتهيا

وصلتيني للنهاية

طز فيكي وطز فيا

يفيد بآيه كلامي ليكي

الاحسن اسكت وما اتكلمش

رموز كتير كانت عليكي

ونا اصلي جاهل وما بتعلمش

مع السلامه يا حب عمري

كسرو جناحك يا طير
قلبي اصبح تحت امري
انساه يا قلبي وعيش امير
اللي ضاع عليه شبابي
حب مين ويسوا اييه
عمره يوم حس بعذابي
طز ف الحب اللي فيه
لوهاموت انا مش هافكر
ان حبك يبقالي مرسا
مهما عقلي في يوم يتعكر
هقوي وعاند وعدي الكرسة
مع السلامه والقلب داعيلك
اخر مره انا هاخذ مقلب
خلصت الدمع ف مناديلك

ف كان لازم منك اهرب

ابدأ منين انا الحكايه

والحكايه منتهيا

وصلتيني للنهايه

طرز فيكي وطرز فيا

الفهرس

- 1 - بطاقة الكتاب 2
- 2 - الإهداء 3
- 3 - فاكروني 4
- 4 - و عجبني 6
- 5 - أصلا ميت 7
- 6 - دوغري 8
- 7 - حبك وضوء قلبي 10
- 8 - طز في طزين 15
- 9 - لحد إمتى 16
- 10 - ما تعانديش 17
- 11 - الحنين 18
- 12 - الفرقة مرة 19
- 13 - مين ؟ 22
- 14 - إفرحي ياماه 25
- 15 - تفكيرك عقيم 28

- 16 - ما حصلش و لا يحصل 32
- 17 - بتتعلم 34
- 18 - بالحب 36
- 19 - الله يعينك 39
- 20 - هاتي طبلة 43
- 21 - عشت لعنوانك أغني 47
- 22 - خيط و إبرة 50
- 23 - مين اللي يقدر 54
- 24 - من إحساسك 56
- 25 - المال 58
- 26 - غلطان 60
- 27 - ناس و ناس 62
- 28 - شارب من كيواني 64
- 29 - خفي شوية 65
- 30 - إشتياق مع كبرياء 67
- 31 - سهران 70

72	32 - مولود على الفطرة
74	33 - عارف
75	34 - عمري ما اجامل
77	35 - دنيا
80	36 - الجمل عمره ما نخ
82	37 - فين الرجال
84	38 - مسروقة أحلامنا
86	39 - محاولة
89	40 - كانت
92	41 - عايزة إيه
94	42 - أبدأ منين